

პეტრე გელხვიძე

გაბნეული ფურცლებიდან

(აზრები– 2019)

“ბუნებაში არაფერი იკარგება უვარგისი კაცის გარდა”

- ❖ სიყვარული – აზრი არსებობისა!
- ❖ სიამოვნების ექსტაზში საღი გონება იკარგება.
- ❖ ამოვსენი საქართველოს გადარჩენის საიდუმლო; განათლება და უცხოს მიმართ შემწყნარებლობა და მზრუნველობა.
- ❖ პოლიტიკა– ხელმოცარულთა თავშესაფარი.
- ❖ ძალა დამანგრეველია, შენების დულაბი სიყვარულია.
- ❖ ძილში შესაძლოა ცხოვრებაც გაგვეპაროს.
- ❖ სიცოცხლის ხანგრძლივობა ნაკეთები საქმეებით იზომება.
- ❖ არის თუ არა ტოლობა მათ შორის, ვინც ყველაფერი იცის და ვინც არაფერი იცის? – მათემატიკურად არა, ფილოსოფიურად კი.
- ❖ ვინც წარსულს ივიწყებს მომავალს ვერ ხედავს.
- ❖ როცა ღმერთთან შიშის გამო მიდიხარ, ეგ ვერაფერი რწმენაა.
- ❖ დრო ბრუნვაა, პროცესის საზომია.
- ❖ ღირებულების საზომი დროა.
- ❖ დრო – ღმერთია, თავისი “სასწორით” დადის.
- ❖ მე ზეციური ვყოფილვარ თურმე. *(იუსტიციის სახლში ჩემი დაბადების დამადასტურებელი დოკუმენტი არ აღმოჩნდა, რამაც გამახსენა, ბავშვობაში მშობლების ნათქვამი, “ჩემი ზეციურობის შესახებ”)*
- ❖ სიყვარული მრავალწახნაგოვანი უნარების და შესაძლებლობების ერთიანობაა.
- ❖ ნული დამოუკიდებლად არაფერს წარმოადგენს, მაგრამ სხვა ციფრების შემდეგ მნიშვნელოვნად ცვლის, როგორც თავის ისე იმ სხვის წონას.
- ❖ კაცობა უნარია, სიყვარული უნარია, ამ უნარების შენარჩუნება კი – მარადისობაში გადასვლა.
- ❖ მარადისობა დროით აღარ იზომება.
- ❖ მარადისობა სულიერების ეტალონია.

- ❖ კაცმა არ იცის დუმბილში რა სიმდიდრეა დამალული.
- ❖ ზოგჯერ ადამიანი იდუმალ სათქმელს ნერწყვის გადაყლაპვით ამბობს.
- ❖ ფული ხორცის ტრანსპორტია, სულის ტრანსპორტი კი ღვთიური გონება!
- ❖ სიმდიდრე ფულიერება კი არა, სულიერებაა.
- ❖ სიძლიერე, ძალა კი არა გონიერებაა.
- ❖ ვისაც მიაჩნია, რომ მისთვის ყველაფერი უნდა “მოდოდეს” – ასეთი ადამიანი პოლიტიკაში, ვერ უნდა მოდიოდეს.
- ❖ სახელმწიფო, სახელმწიფეობრივად მოაზროვნე პოლიტიკოსების გარეშე ვერ აშენდება.
- ❖ რა სამწუხაროა, რომ მართველობითი სისტემა ხელთანაა დაკავშირებული და არა თავთან (“ხელ-მძღვანელი”, “ხელ-მწიფე”, “ხელის-უფალი”).
- ❖ რა ანადგურებს ადამიანს? – სიძულვილი;

რა აძლიერებს ადამიანს? – სიყვარული.

- ❖ სიცოცხლის ხანგრძლივობის ანგარიშისას დღე, როდესაც არავის მოფერებიხარ, შენად ნუ მითვლი.
- ❖ სიყვარული გალაქტიკაზე უფრო მოკაშკაშე სამყაროა და ბედნიერი ხარ თუ ამ სამყაროს თუნდაც ერთი შემადგენელი ელემენტი ხარ!
- ❖ დაბადება და გარდაცვალება ჩვენი საკუთრება არ არის, ჩვენ მხოლოდ ამ შუალედში შეგვიძლია ჩვენი თავი ვაჩვენოთ.
- ❖ რწმენა – საქციელის საზომია!
- ❖ – დაცემული ააყენე!
– ფეხზე მდგომს გვერდით დაუდექი!
– სუსტი გააძლიერე!
– ძლიერს აღმაფრენისათვის ფრთები შეასხი!
- ❖ რაც უფრო ცოტა იცი მით უკეთესია, – ნაკლები პრობლემები გაქვს.
- ❖ მიზანი, რომელსაც მწვერვალზე არ აპყავხარ, მიზნად ნუ ჩათვლი.
- ❖ დავიწყების შიში, მონატრების სურვილს აძლიერებს.
- ❖ იმ დროს, როდესაც მუჭში კვერცხის გატეხვა ვაჟკაცისათვის პრობლემას წარმოადგენს, უმწეო წიწილასაგან შიგნიდან მისი გატეხვა უპრობლემოდ ხდება.
- ❖ უსასრულობა არ არსებობს, ყველა პროცესს თავისი საწყისი და ბოლო წერტილი აქვს.

- ❖ ტელეპატიურად მოაზროვნე, ჩვეულებრივი ადამიანისათვის “კრამიტდაჩოჩებულად” გამოიყურება.
- ❖ აწმყო უძრავია, წარსული და მომავალი, დროში სხვადასხვა მიმართულებით მიმავალი პროცესებია.
- ❖ თუ შეიღს, ბავშვობაში ფიზიკურ დატვირთვას უმსუბუქებ, იცოდე მომავალში სულიერ ტვირთს უმძიმებ!
- ❖ მწუხარებაც და სიხარულიც – ცრემლით იზომება.
- ❖ ძლიერი ის კი არ არის ვინც დროს აყვავ, არამედ ის ვინც დრო თვითონვე შექმნა!
- ❖ საზოგადოების აზრი: პონტი პილატმა ხელეები დაიბანა.